

Powšitkowne WOZJEWJENJA

njedzelu, 15. septembra 2019

Nyšpor z požohnowanjom zapřahow

Towarstwo Cyrila a Metoda z.t. přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže njedzelu, 29. septembra, w 14.00 hodź. w Chróscicach na łuce při Hatkach. Wšitcy wěriwi su wutrobnje přeprašeni.

Zhromadny dzeń za 1. a 2. lětnik

Džěci 1. a 2. lětnika su sobotu, 28. septembra, wot 9 do 15 hodź. do Don Boskowneho domu we Worklecach přeprašene. Zajimcy njech so prošu hač do wutory, 24. septembra, pod Džěci we Worklecach přizjewja, telefonowe čisło (03 57 96) 88 707. Za wudawki dnja zběra so wot kóždeho wobdžělnika přinošk, kotryž wučinja štyri eura.

Jězba za 5. a 6. lětnik do Naumburga

Džěci 5. a 6. lětnika su wot póndzele do štwórtka, 14. do 17. oktobra, na jězbu do Naumburga prošene. Wot kóždeho wobdžělnika zběra so přinošk we wysokosći 80 eur. Zajimcy njech so prošu hač do wutory, 24. septembra, pod Džěci we Worklečanskim Don Boskowym domje přizjewja, telefonowe čisło (03 57 96) 88 707. Jězbu zarjaduje dekanatne dušepastyrstwo za džěci.

Modlenje wo duchowne powołanja

W klóštrje Marijinej hwězdze w Pančicach-Kukowje wotměje so wot soboty do njedzele, 21. do 22. septembra, modlerske zetkanje. Pod hesłom „Prošće knjeza žni, zo by džělačerjow na swoje žně pósłał“ (Lk 10,2b) su wšitcy k tomu přeprašeni, Boha wo duchowne powołanja w Drježdžansko-Mišnjanskim biskopstwje prosyc. Biskop Heinrich Timmerevers přeprašuje po lońšim zahajenskim zetkanju we Wechselburgu tónkróć do klóštra we Łužicy. Zetkanje zahaji so sobotu we 18 hodź. z modlenjom kompleta. Tomu přizamknje so modlerska nóc.

Njedzelu budu po konwentnej Božej mši, kotraž zahaji so w 9 hodź., workshopy a druge zarjadowanja. Čas móže so tež k wzajomnej wuměnje nazhonjenjow wužić. Swjedženski akt modlerskeho zetkanja z biskopom Timmereversom zahaji so w 14.30 hodź. w klósterskej cyrkwi. Zetkanje zakónči so w 17.30 hodź. z nyšporom. Wobšěrniše informacije su na internetowej stronje www.netzwerk-gebet.de podate.

Chórowy koncert ze zhudźbnjenymi psalmami

Katolski tachantski chór swjateho Pětra přeprašuje na swój lětuši duchowny koncert njedzelu, 22. septembra, we 18 hodź. do Budyskeje tachantskeje cyrkwe. Program pod hesłom „Zhudźbnjene psalmy – spěwane modlitwy“ saha wot gregorianiki přez Palestrinu, Mozarta, Rachmaninowa, Kaminskeho a dalších hač do přitomnosće. Solisća su młodaj spěwarjej Magdalena Kircheis a Christian Lutz z Drježdžan kaž tež znaty organist Matthias Eisenberg, kotryž zahraje na woběmaj piščelomaj. Chór přewođa Gina Hentsch. Cyłkowny nawod ma cyrkwinskohudźbny direktor Friedemann Böhme. Zastup je darmotny.

Caritas pyta hladanskeho nawodu

Hornjołužiski zwjazk Carity z.t. pyta za swoju socialnu staciju Budyšin-Kamjenc kaž tež za dom Carity w Kamjencu noweho hladanskeho a regionalneho nawodu – muža abo žonu. Wobšěrne wupisanje je pod www.posol.de podate.

Eksercicije za Serbow – Što nas wozboža?

Lětuše eksercicije za Serbow budu wot pjatka, 8. nowembra, wječora hač do njedźele, 10. nowembra, připołdnja pod temu „Što nas wozboža?“. Wěriwi ze serbskich wosadow su přeprošeni, so na tutech dnjach wobdźelić. Přizjewjenja přijimuju pak direktnje w Exerzitienhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chrósćicach na farje, telefonowe čisło (03 57 96) 80 40 22.

Dny rozpominanja ze swjatym róžowcom

Modlerske zhromadženstwo swjateho róžowca (Rosenkranz-Sühnekreuzzug) pře-wjedže wot pjatka do njedźele, 27. do 29. septembra, w Smochčanskim Domje biskopa Bena dny rozpominanja. Tute nawjedujetaj franciskanski pater Benno Mikocki pod temu „Njejsym wšak žiwy ja, ale žiwy je we mni Chrystus“ a farar Stefan Thiel pod temu „Hiob a Salomonowa Pěseň pěsnjow“. Zajimcy měli so pisomnje pola Rosenkranz-Sühnekreuzzug, Franziskanerplatz 4, A - 1010 Wien, telefonowe čisło w Awstriskej (0043 1) 5 12 69 36 abo z mailku pod adresu zent@rsk-ma.at přizjewić.

25. literarna kermuša

Na swoju tradicionalnu literarnu kermušu a zdobom jubilej přeprošuje Ludowe nakładnistwo Domowina wšitkich zajimcow – 25. raz wuhotuje serbske nakładnistwo lětuši swjatk literatury. A tuž zwjaza so program čitanja z dalším wjerškom, z knižnej premjeru „Serbskeje protyki 2020“, kotrejež čezišćo je lětsa Njeswačidło. Přeprošujemy wšitkich jara wutrobnje sobotu, 21. septembra, wot 16.30 hodź., do hosćenca „Wosobna korčma“ w Njeswačidle. Program započnje so w 17.00 hodź.

Róża Domašcyna, Marko Grojlich a Pětr Šořta wuhotuja zabawny literarny program w serbskej a němskej rěči. Hudźbnje přewodža čitanje Židžinski chór. Po programje wobsteji móžnosť, bjesadować a wječerjeć. Smolerjec kniharnja změje knižne blido z nowostkami a wuběrom nakładnistwoweho programa. Zastupne kartki dóstanu zajimcy při wječornej kasy.